

W tym Knjezu Jezusu lubowani. Dokelž je Bóh našeho lubeho bratra (sotru) z ćežkej khorosću a słabosću domachpytał, dha chcemy Boha za njeho prosyć, zo chcył jemu hnadny a smilny być a jemu přez swjaty sakrament ćěła a krwje Jezom Khrysta wodaće hrěchow, trošt a měr spožćić.

Modlmy so k Bohu (sćěhuje modlitwa z wutroby abo jena ze slědowacych):

Smilny Božo a Wótče, tebje prosymy Jezom Khrysta dla, hladaj hnadnje dele na tuteho khoreho. Stej při nim z twojej pomocu, posylń jeho wěru, pomhaj jemu so bėdźić a přewinyć. O Knježe Jezom Kryšće, kiž sy za nas križ njesł, sćiń jeho hoto-weho, križ zwólnje za tobu nosyć a krónuj jeho, hdyž je doběhał, z krónu wěčneho žiwjenja. Hamjenj.

Abo:

Smilny Božo a Wótče, kiž so chceš nade wšitkimi smilić, njeh twoja smilnosć přińdže tež na tuteho ćěrpjerja. Wokřew jeho wutrobu z twojim měrom, troštuj jeho z twojej pomocu, wobdawaj jeho z twojim zbožom. Knježe, kotrehož móc je w słabych móčna, posylń jeho w času słabosće, přez wěrjace horjepohladanje na Jezusa, kiž je spočatk a kónc wěry, a daj, zo by tutón khory přez Khrystusowe słowo a wotkazanje wodaće hrěchow, žiwjenje a zbóžnosć dostał, zo by tež jeho duša była wjeseła a wumožena, dla twojeje lubosće a smilnosće. Hamjenj.

Abo:

Z hłubiny wołam ja so, Knježe, k tebi. Knježe, wuslyš mój hlós, njeh twojej wuši kedźbujetej na hlós mojich pokornych próstwow. Chceš-li ty, Knježe, hrěchi přicpić, Knježe, što budže wobstać. Přetož pola tebje je to wodaće, zo so će boja. Ja čakam na teho Knjeza,